

vnd her gezogen/den Glauben wider auff-  
gebracht/ welchen der H. Apostel Thomas  
allda geprediget hatte: Wie er dann auch  
weißgesagt/waß das Meer werde gehn biß  
an das Creuz/welches daselbst auffgerich-  
tet ( wie dann damals geschehen/ ) werde  
enier auß Europa kommen / die von ihm  
verkündte Lehr zupredigen. Hat vil hun-  
dert tausent Vnglaubige / darunder vil  
König vnd Königine/ Fürsten vnd grosse  
Herren bekehr: Allein in der Statt Aman-  
gusi dreißig tausent in kurzer zeit. Mit  
seiner Hand vber ein Million/vnd zwey-  
mal hundert tausent Menschen getaufft:  
in der Statt Solo 25000. Vil Heydnisch  
vnd Türckische Tempel zerstückt:ben 40000  
Abgötter gestürzt. Sehr vil Krichen er-  
bawet/ in Piscaria 40. in Trauancor 20.  
allda er an einem Tag vber zehentausent  
getaufft/ daß er vor Müdigkeit nit reden/  
oder den Armb mehr auffheben möchte. Ist  
der erst gewesen / welcher den Moluckern/  
Paravaren/Acenern/ vnd andern Abgöt-  
tischen Landen vnd Inseln/ darunder Ja-  
pon / vnd darin sechs vnd sechzig Könige  
vnd den Christlichen Catholischen Glau-  
ben